

Konstatuje se da je Odlukom Senata Univerziteta u Sarajevu JU Sarajevska filharmonija utvrđena kao nastavna baza Muzičke akademije u Sarajevu, a u skladu sa članom 59. stav 4. Zakona o visokom obrazovanju („Službene novine Kantona Sarajevo broj:33/10). Shodno navedenom zaključuje se slijedeći:

SPORAZUM O SARADNJI

Između:

1. **MUZIČKE AKADEMIJE U SARAJEVU,** [REDACTED]

2. **JU SARAJEVSKA FILHARMONIJA,** [REDACTED]

Član 1.

Ovaj Sporazum se zaključuje radi uspostavljanja i regulisanja saradnje između sporazumnih strana u cilju:

- realizacije praktične nastave studenata instrumentalnih odsjeka i Odsjeka za dirigovanje Muzičke akademije u Sarajevu u JU Sarajevska filharmonija
- učešća sporazumnih strana u realizaciji zajedničkih projekata
- učešća radnika JU Sarajevska filharmonija koji posjeduju odgovarajući izbor u zvanje u realizaciji nastave na Muzičkoj akademiji u Sarajevu kao i radnika koji nemaju potreban izbor u zvanje u svojstvu stručnjaka iz prakse.

I REALIZACIJA PRAKTIČNE NASTAVE

Član 2.

Sporazumne strane su saglasne da, shodno mogućnostima JU Sarajevska filharmonija, studenti instrumentalnih odsjeka i Odsjeka za dirigovanje Muzičke akademije u Sarajevu mogu dio svoje praktične nastave obavljati u JU Sarajevska filharmonija i to na način da aktivno ili pasivno učestvuju na probama orkestra JU Sarajevske filharmonije.

Član 3.

JU Sarajevska filharmonija će, u skladu sa svojim mogućnostima, uključivati studente Muzičke akademije u vlastite projekte, čime će im pružiti mogućnost da učestvuju u velikim

profesionalnim projektima i nastupaju u koncertnim prostorima koji inače nisu dostupni za akademske projekte.

II UČEŠĆE SPORAZUMNIH STRANA U REALIZACIJI ZAJEDNIČKIH PROJEKATA

Član 3.

U skladu sa mogućnostima i potrebama koncertne sezone JU Sarajevska filharmonija, sporazumne strane mogu zajedno učestvovati u pripremi muzičkih projekata u kojima bi pored radnika JU Sarajevska filharmonija učestvovali i studenti i nastavno osoblje Muzičke akademije u Sarajevu.

III UČEŠĆE ZAPOSLENIKA JU SARAJEVSKE FILHARMONIJE U REALIZACIJI NASTAVE NA MUZIČKOJ AKADEMIJI

Član 4.

Sporazumne strane su saglasne da, ukoliko neko od radnika JU Sarajevska filharmonija posjeduje izbor u nastavničko ili saradničko zvanje koje je stekao na Muzičkoj akademiji u Sarajevu, može biti angažovan u izvođenju nastave ili dijela nastave na instrumentalnim odsjecima i Odsjeku za dirigovanje Muzičke akademije u Sarajevu.

Član 5.

Sporazumne strane su saglasne da Muzička akademija u Sarajevu može, shodno vlastitim potrebama, radnike JU Sarajevska filharmonija koji ne posjeduju izbor u nastavničko ili saradničko zvanje, angažovati u svojstvu stručnjaka iz prakse za realizaciju dijela nastave na instrumentalnim odsjecima i Odsjeku za dirigovanje.

Član 6.

U slučajevima iz člana 4. i 5. ovog Sporazuma, Muzička akademija će sa angažovanim osobljem zaključiti pojedinačne ugovore o djelu kojima će regulisati međusobna prava i obaveze.

IV TRAJANJE SPORAZUMA

Član 7.


Ovaj Sporazum se zaključuje na period od 5 (pet) godina, s tim da se isti može produžiti na osnovu dogovora sporazumnih strana.

V PRELAZNE I ZAVRŠNE ODREDBE


Član 8.

Ovaj sporazum se zaključuje u 4 (četiri) primjerka od kojih svaka sporazumna strana zadržava po 2 (dva) primjerka.

JU SARAJEVSKA FILHARMONIJA



MUZIČKA AKADEMIJA U SARAJEVU



Sarajevo, 30.01.2019. godine